



Ciasa de Palsa Ojöp Frëinademetz A.P.S.P.
Seniorenwohnheim Ojöp Frëinademetz Ö.B.P.B - Residenza per Anziani Ojöp Frëinademetz A.P.S.P.
39030 St. Martin in Thurn/San Martino in Badia - Str. Pinis 50
Tel. 0474/524700 - E-mail: info@ciasadepalsa.it - Pec: ciasadepalsa@pec.rolmail.net
cod. fisc. - Steuer-Nr.: 81005490214 - partita IVA - MwSt-Nr.: 00554690214

BANDIDA DE CONCURS PUBLICH

Concurs publich por ejams por la curida de 3 (trëi) posc de rode a tëmp parzial/plëgn sciöche infermier/a profesional/a (profil profesional nr. 64 – VII.ter cualifica funzionala) - rresservá al grup linguistich ladin.

LA TOMANZA POR LA PRESENTAZIUN DLES DOMANDES DE AMISCIUN É:
30.04.2025 dales 12.00

La Ciasa de Palsa Ojöp Frëinademetz A.P.S.P. scrí fora n concurs publich por ejams por la curida de 3 posc sciöche:

infermier/a profesional/a
(profil profesional nr. 64 – VII.ter cualifica funzionala)

De chisc:

- 1 n post a tëmp parzial 50%
- 1 n post a tëmp parzial 76,32%
- 1 post a tëmp plëgn.

I posc é rresservá al grup linguistich ladin.

1. DESPOSIZUNS GENERALES

Por le concurs en chestiun vel les desposiziuns contignüdes te chësta bandida. Por ci che n'é nia preodü te chësta bandida él da fá referimënt ales desposiziuns tl Regolamënt dl personal dla Ciasa de Palsa Ojöp Frëinademetz A.P.S.P. di 23.07.2024 y ales desposiziuns varëntes.

L'aministrazion garantësc la parité de ël y ëra por gní tuc sö en sorvisc y sön le post de laur sciöche preodü dal decret legislatif di 11.04.2006, nr. 198.

Aladò dl art. 6 dl D.P.R. nr. 487/1994 y mudaziuns é ai 31.12.2024 la perzentuala de rapresentanza maschila por la cualificaziun scritta fora ecuivalënta a 10% y la perzentuala de rapresentanza feminila ecuivalënta a 90%. Sce la desfarënzia anter i sesc fej fora plü co le 30%, costituësc la portignënza al grup manco rapresenté titul de preferënza, sciöche dé dant te chësta bandida.

Implü garantësc l'aministrazion l'aplicaziun dles desposiziuns tla materia dla sconanza di dac preodüdes dala lege nr. 196 di 11.04.2003 tla verjiun varënta y ince dal Regolamënt EU 2016/679 di 27.04.2016 tla verjiun varënta.

Chësta bandida tëgn cunt dla normativa por i soldas dles Forzes Armades Talianes che á rové so sorvisc zënza demiric. Aladò dl articulo 1014, coma 3 y 4, y dl articulo 678, coma 9 dl decret legislatif nr. 66/2010, él preodü da rresservé le 30% di posc ai voluntars dles Forzes Armades.

Le concurs vëgn scrit fora tignon cunt di benefizi preodüs dala lege nr. 68 di 12.03.1999 a bëgn dles categories sot a proteziun.

Al concurs vëgn ametüs/des i/les concorënc/tes de duc i trëi grups linguistics, independentamënter dala rresserva di posc nominá dessura, tan inant che ai á i requisic damaná.

I posc scric fora é rresservá al grup linguistich ladin.

I posc rresservá al respetif grup linguistich, che resta vacanc por mancanza de candidat/tes o concurënc/tes adatá/des por l'assunziun, pó gní assegná a n/na candidat/a adaté/da portignënt/a a n ater grup linguistich, sce le proporz etnich vëgn respeté complessivamënter sciöche calolé en basa ales desposiziuns varëntes.

2. TRATAMËNT ECONOMICH

Aladô dl contrat coletif atual él preodü por chësc post le suandënt paiamënt brutto mensil:

a) paiamënt mensil inicial dla VII.ter cualifica funzionala de Euro 1.342,34-, lapró la tredejima mensilité aladô dl contrat coletif intercompartimental en forza;

b) indenité integrativa speziala dla VII.ter cualifica funzionala aladô dl contrat coletif intercompartimental en forza;

c) indenité de bilinguism aladô dl art. 6 dl'acordanza en forza por le renovamënt dl contrat coletif intercompartimental di 04.12.2019, sciöche ince l'indenité por l'adoranza dl lingaz ladin;

d) indenité d'istitut dl 28% che corespogn a Euro 375,86-.

e) atres indenités tan inant che ares speta.

Dal tratamënt economich suradit vëgnel trat jö les detraziuns preodüdes dala lege.

Ai posc a tëm্প parzial ti speta le paiamënt sciöche dessura en relaziun ales ores de laur fates. Dal paiamënt suradit vëgnel trat jö i contribuc previdenziai, assistenziai y fiscai preodüs dales leges.

3. REQUISIC POR L'AMISCIUN

Por l'amisciun al concurs vëgnel damané de ester en posses di requisic suandënc.

I requisic damaná mëss ester dan man ala data de tomanza por la presentaziun dles domandes de amisciun al concurs stabilida da chësta bandida de concurs, sciöche ince al momënt dla sotescriziun dl contrat de laur.

1. Zitadinanza

Zitadinanza taliana o zitadinanza de n ater stat mëmber dl'Uniun Europeica; al pó ince tó pert i familiars de zitadins/nes dl'Uniun Europeica, ince sce zitadins/nes de stac terc, cun le dërt de sojornanza o le dërt de sojornanza permanënta. Al pó ince gní tut sö i zitadins/nes de paisc terc che é en posses dla lizënza de sojornanza UE por sojornanzas de lungia dorada o che á le status de muciadú/dësses o che á le status de proteziun sussidiara (art. 38 D.Lgs 30 novëmber 2001, nr. 165, sciöche modifiché dal art. 7 dla L. 6 agost 2013 nr. 97);

2. Limit d'eté

Eté nia mëndra de 18 agn.

3. Idoneité fisica por fá le laur

Idoneité fisica por le laur y por les mansciuns spezifiches preodüdes por le profil profescional en chestiun. Aladô dl D.Lgs 9 aurí 2008. nr. 81 á l'aministrazion la faculté da ti fá fá ai dependënc che gnará tuc sö na vijita de control pro le dotur de compëtenza por confermé l'idoneité da fá les mansciuns che ti gnará surandandes.

4. Godimënt di dërc zivii y politics

O plü avisa, de ne avëi degönes prozedöres en at che, aladô dles desposiziuns de lege varëntes, ne impedësc le posses.

Aladô dl art. 2 dl D.P.C.M. di 7 forá 1994, nr. 174, mëss i/les zitadins/nes nia taliagn/talianes avëi i suandënc requisic por podëi avëi azes a posc de laur tl'aministrazion publica:

- le godimënt di dërc zivii y politics ince ti stac de zitadinanza (fata ezeziun por chi che é titolars dl status de profugs o dl status de proteziun sussidiara);
- le posses, fata ezeziun por la zitadinanza taliana, de düc i atri requisic preodüs por i/les zitadins/nes dla Republica Taliana.

5. Imunité da condanes

Al ne pó nia gní tut sö porsones che é gnüdes stlüttes fora dal dërt de l'ita atif, sciöche ince chères che é gnüdes destituides o alediades dal laur pro n'aministrazion publica por n' rendimënt insufiziënt permanënt, aladô de normes dl setur, o gnüdes desmetüdes por les medemes rajuns o por motifs disciplinars aladô dla normativa de lege o contractuala varënta o che é gnüdes lasciades jí deache ares é gnüdes tutes sö o á ci-afé la nominaziun por presentaziun de documënc falsificá o zënza valor sciöche ince por condanes jüdes en forza por n' fat penal che impedësc n'assunziun pro n'aministrazion publica. Porsones che á en at prozedöres penales o prozedöres aministratives por apliché mosöres de segurëza o prevenziun o che á albü prezedënc penai por süa colpa scric ite tl register penal, aladô dl articulo 3 dl decret dl Presidënt dla Republica di 14 de novëmber 2002 nr. 313, mëss le comuniché al momënt dla candidatöra y dé dant avisa la data dl provedimënt sciöche ince la magistratöra che l'á dada fora o pro chëra che al é n' eventual prozedimënt penal pendënt.

6. Atestat de bi/trilinguism

dé fora aladô dl D.P.R. di 26 de messé 1976, nr. 752 y suandëntes modificaziuns, por le nivel B2 (ex B).

7. Grup linguistich

Portignënza o agregaziun a un di trëi grups linguistics preodüs dal art. 18 dl D.P.R. 26.07.1976 nr. 752 y suandëntes mudaziuns y integraziuns.

8. Titui de stüde

- diplom de stüde (academich) por la profesziun de infermier/a o
- diploms ecuivalënc aladô dla normativa statale o
- diploms reconosciüs dal Minister por la Sanité o
- diploms detlará ecuivalënc aladô dl D.P.R. nr. 197 di 26.01.1980 y modificaziuns y integraziuns suandëntes;
- iscriziun tl register profesional revardënt.

Por le azes por mobilité verticala vel les desposiziuns dl art. 74 dl'acordanza intercompartimentala di 12.02.2008 sciöche ince l'art. 33 dl test unich dles acordanzas de compart por i dependënc de Comuns, dles Comunités Comprensoriales y dles A.P.S.P. di 02.07.2015.

4. DOMANDA DE AMISCIUN

La domanda de amisciun al concurs publich, scrita sön formulars de papier scëmpl y metüda a desposiziun dal'aministrazion, mëss gní adressada ala Ciasa de Palsa Ojöp Frëinademetz A.P.S.P. y dada jö **anter les 12.00 h di 30.04.2025**. Sciöche data de presentaziun dla domanda d'amisciun vel chëra dla protocolaziun. Le timber dl ofize dla posta n'á DEGÖNA valüta.

La domanda de amisciun o i documënc che röia fora de termo por guajes postales, telegrafiches, por colpa de terc, por gaujes de forza plü alta o por gaujes dl caje, ne vëgn nia tuta en conscideraziun y le/la candidat/a vëgn stlüt/a fora dal concurs publich.

La domanda de amisciun mëss gní scrita aladô dl formular injunté ala bandida de concurs y contigné dötes les informaziuns che le/la candidat/a mëss dé dant aladô dles normes varëntes.

4.1 DETLARAZIUNS

Por podëi tó pert al concurs pó i/les candidat/tes adoré detlaraziuns sostitütes aladô di artt. 46 y 47 dl D.P.R. di 28.12.2000, nr. 445; scion fora le formular prestampé te dötes sües perts.

En alternativa pó i i/les candidat/tes presenté la domanda de amisciun scrita jö sön papier scëmpl, sön chëra che ai/ares mëss, sot a süa responsabilité y cun tuta de conescënza de ci che al é preodü dal art. 76, dl D.P.R. di 28.12.2000, nr. 445 y dal art. 495 dl Codesc penal tl caje de informaziuns falzes dades dant te documënc y detlaraziuns falzes, sciöche ince de tomanza de vantaji ciáfá por n' provedimënt tut söla basa de detlaraziuns falzes (art. 75 dl D.P.R. di 28.12.2000 nr. 445), dé dant les detlaraziuns suandëntes aladô di artt. 46 y 47 dl D.P.R. di 28.12.2000, nr. 445 che reverda:

a) cognom, inom y codesc fiscal;

b) data y post de nasciüda;

c) situaziun de familia (nia maridé/maridada o maridé/maridada) y le numer de mituns a ciaria;
d) residënza, numer de telefon, misciun e-mail (eventualmënter misciun PEC);
e) d'ester zitadin/a talian/a o de avëi la zitadinanza de n stat mëmber dla Uniun Europeica (dé dant de ci stat);
o: - de ester familiar de n/na zitadin/a dl'Uniun Europeica, che á le dërt de sojornanza o le dërt de sojornanza permanënta (art. 38 D.Lgs di 30.11.2001, nr. 165, modifiché dal art. 7 dla lege di 6 agost 2013 nr. 97) cun indicaziun dla zitadinanza dl familiar;
- de ester zitadin/a de paisc terc, cun la posiziun iuridica de sojornant/a a lungia dorada o le status de proteziun sussidiara;
- ma por n/na zitadin/a de un di stac mëmberi dl'Uniun Europeica o por le familiar de n/na zitadin/a de un n stat mëmber dl'Uniun Europeica, che á le dërt de sojornanza o le dërt de sojornanza permanënta, o por n/na zitadin/a de stac terc, che é en posses dla lizënza de sojornanza UE por sojornanc/tes a dorada lungia o che á le status de proteziun sussidiara (art. 38, D.Lgs 30 novëMBER 2001, nr. 165, sciöche modifiché dal art. 7 dla lege 6 agost 2013, nr. 97): che é en posses di dërc zivii y politics ince tl stat de portignënza o de proveniënza o de ne i avëi nia don dant i motifs;
f) de avëi le dërt de lîta politich atif y le comun olache le/la candidat/a é scrit/a ite tles listes eletorales o i motifs por ne ester nia scrit/a ite o cancelé/ada dales listes nominades;
g) de avëi albü eventuales condanes penales;
h) de ne ester mai gnü/gnüda destituí/da o de ne ester nia gnü/da lascé/lasciada jí pro degöna aministraziun pubblica;
i) l'eventuala portignënza ales categories de persones cun handicap aladô dla lege nr. 68 di 12.03.1999, don dant la perzentuala de invalidité y specifican l'iscriziun tles listes dl colocamënt obligatore sciöche preodü dal art. 8 dla lege 12.03.1999 nr. 68;.
j) ma por i candidat de ses maschil: la posiziun ti confrunc dles oblianzas militares, don dant la perioda dl sorvisc da soldá efetif fat, de cherdada ales ermes, de sorvisc zivil o de sorvisc sostituf dl sorvisc da soldá, y i.i., cun la posiziun revardënta o degré albü por podëi valuté chësta perioda sciöche perioda de laur a düc i efec;
k) de avëi le dërt dla rësserva di posc por militars aladô dl D.Lgs nr. 66/2010;
l) avëi le titul de stüde damané por la candidatöra al post, cun indicaziun dl istitut pro chël che al é gnü arjunt, l'ann de emisciun, le numer di agn de scora frequentá y superá, la nota o la valutaziun ciafada;
m) ester en posses dl atestat de competënza di lingac talian, todësc y ladin dl nivel B, sciöche preodü dal art. 4 dl D.P.R. di 26.07.1976, nr. 752 o plü avisa "B2" aladô dl chëder de referimënt europeich en comunanza cun i lingac (CRECL) o n atestat aladô dl decret legislatif di 14 de ma 2010, nr. 86 (injunté la documentaziun revardënta);
n) da ester eventualmënter a desposiziun da azeté ince, unicamënter o daldöttenia posc cun raport de laur a tëmp parzial;
o) l'impëgn da azeté zënza degöna rësserva les condiziuns contignüdes tl ordinamënt dl personal dla

Ciasa de Palsa, varënt al momënt dla nominaziun y dl dagní;
p) de avëi titui de preferënza eventualai tl caje de parité de mirit aladô dl art. 5 coma 4 y 5 dl D.P.R. nr. 487/1994, sciöche ince dá dant tl formular de domanda de amisciun, injunté a chësta bandida de concurs;
q) titui de sorvisc eventualai.
Implü mëss la domanda contigní:
la misciun avisa a chëra che la Ciasa de Palsa podará mené les comunicaziuns che reverda le concurs, ti-gnon cunt che döttes les mudaziun dla misciun che antervëgn cina la fin dla prozedöra de concurs mëss gní lasciades alsavëi.
La Ciasa de Palsa ne sorantól degöna responsabilité por misciuns dades dant falades, nia completes o che ne corespogn nia plü ala situaziun tl momënt che al vëgn mené la comunicaziun.
4.1 DOCUMËNC DA INJUNTÉ
a) La detlaraziun de portignënza o agregaziun a un di trëi grups linguistics aladô dl art. 18 dl D.P.R. nr. 752 di 26.07.1976 y mudaziun y integraziuns suandëntes (TE NA BUSTA STLÛTA) che á la data nia plü vedla de 6 mëisc dala data de emisciun.
Al fej ezeziun les porsones che n' á nia la residënza tla Provinzia de Balsan y che detlarëia chësc tla domanda de amisciun. Ares á le dërt da fá la detlaraziun de portignënza o agregaziun a un di trëi grups linguistics y da la dé jö al scomenciamënt dla pröma proa de concurs. Sce na porsona á intenziun da se fá avarëi chësc dërt (y á detlaré tlermënter chësc tla domanda de amisciun al concurs) ne pó la pröma proa d'ejam nia mëte man dan les 12.00 dl de stabilí por chësta.
Chësta detlaraziun vëgn dada fora dal Tribunal Provinzial da Balsan, Plaza Tribunal – azes dala pert Strada Duca D'Aosta (numer de telefon 0471-226312-3).
b) Por podëi tó pert al concurs él da paié le contribut de partezipaziun de Euro 10,00 (diesc), aladô dl art. 1, coma 111 dla Lege nr. 107/2015. Le paiamënt pó ma gní fat cun le sistem pagoPA tres le portal ePays (https://it.epays.it/) chirin fora: - la seziun “pagoPA®-Zahlungen”/o por talian “Pagamenti pagoPA®”, - l'ënt por todësch “Seniorenwohnheime – ÖBPB” y spo “Seniorenwohnheim Ojöp Frëinademetz ÖBPB” / o por talian “Residenze per Anziani – APSP” y spo “Residenza per Anziani Ojoep Freinademetz”, - le sorvisc (Dienstleistung/Servizio) „Verschiedene Zahlungen“ /o por talian Pagamenti diversi, - dé dant la causala „ Wettbewerb BerufskrankenflegerIn 2025 “ y scrí fora döt ci che vëgn damané. Dedô él la poscibilité da fá le avis pagoPA y fá le paiamënt pro na portina de paiamënt pagoPA (p.ej. banca, posta, tabacaria) o tres home banking o da jí inant sön le portal y fá le paiamënt online cun druché sön “In den Warenkorb” o por talian “Aggiungi al carrello”.
Fotocopia dla chërta d'identité sce la domanda vëgn menada por posta, dada jö da na terza porsona e menada por posta certificada PEC).
Presentaziun dla domanda tres PEC
Chi che mëna la domanda ala miscun ciasadepalsa@pec.rolmail.net tres súa misciun de posta elettronica certificada (PEC) pó dé jö de fat la detlaraziun de portignënza o agregaziun a un di trëi grups linguistics – tla verjiun originala y te na busta stlÛta – ince <u>do</u> le termo por la presentaziun dles domandes de amisciun (mo nia do la data dla proa d'ejam scritta o dla pröma proa), a condiziun che tla domanda vëgnel dé dant che la detlaraziun é bele gnüda relasciada <u>anter</u> le termo por la presentaziun dla domanda. Sce tl caje de devënta dl concurs resultëia che la detlaraziun de portignënza a n grup linguistich é gnüda relasciada do le termo por la presentaziun o n' é nia varënta por atres gaujes, n'é le resultat dl concurs nia varënt y al toma le dërt de assunziun por mancia nza dles condiziuns de amisciun. Al ne pó nia gní tut en conscideraziun le documënt che é gnü ma mené sciöche copia tres fax o tl format PDF y porchël vëgnel araté che al mancia.

I/les candidat/tes mäss mët súa firma jö da pe dla domanda de amisciun, zënza vëgni/vëgneres stluc/stlüttes fora.
La sotescriziun dla domanda de amisciun al concurs, che contëgn les detlaraziuns sostituëntes che vëgn fates tla domanda, é sotmetüda ales desposiziuns preodüdes dai artt. 46 y 47 dl D.P.R. di 28.12.2000 nr. 445, y porchël ne mäss la firma nia gní autenticada. La domanda de amisciun mäss gní firmada en presënza de n/na dependënt/a inciarié/ada o, injuntan na fotocopia ince nia autenticada de n documënt d'identité varënt dl/a candidat/a.
Le/La candidat/a cun disabilité pó dé dant tla domanda, en relaziun al handicap che al/ara á, che al ti vëgnes conzedü tëmp surafora o le meso de sostëgn che al/ara arata nezesciar por dé jö les proes d'ejam (da desmostré cun documëntaziun adeguada), sciöche ince damané de podëi sostituí les proes d'ejam scrites cun proes d'ejam orales por gauja de disturbs de aprenimënt spezifcs aladô dl D.P.R. nr. 487/1994.
I/les candidat/tes mäss implü, alplütert cun le termo de presentaziun dla domanda de amisciun, documenté o detlaré de avëi i certificac o la documëntaziun che, sce ai/ares á passé le concurs, i dá le dërt de prezedënza o preferënza tla nominaziun, aladô dl decret dl Presidënt dla Republica di 28.12.2000, nr. 445.
Düc i documënc y titui injuntá voluntariamënter ala domanda pó gní dá jö sciöche copia che corespogn al original, tla forma originala o sciöche copia autenticada sön chërta scëmpla, zënza tigní cunt de ci che é preodü por les detlaraziuns sostituëntes.
Al resta tler che i/les candidat/tes mess avëi düc i recuisic scric dant te chësta bandida y detlará tla domanda de amisciun, bele ala data de tomanza de presentaziun dla domanda de amisciun.
Les detlaraziuns falzes comporta l'esclujiun dal concurs y al gnará apliché les desposiziuns preodüdes dal Codesc penal y dales leges particulares che reverda chësc argomënt.
I documënc che é bele te Ciasa de Palsa Ojöp Frëinademetz A.P.S.P. o che la medema mäss dé fora, mäss ma gní dá dant tl detai tla domanda de amisciun al concurs adöm ales detlaraziuns damanades, sciöche preodü dal art. 10 dla Lege di 04 de jená dl 1968, nr. 15, y en combinaziun cun i coma 2 y 3 dl art. 18 dla Lege di 07 d'agost dl 1990, nr. 241.
5. ESCLUJUN DAL CONCURS PUBLICH
Dal concurs publich vëgnel stlüt fora i/les candidat/tes che:
a) cun la data por la presentaziun dla domanda, preodüda da chësta bandida de concurs, n' á nia un o deplü recuisic dá dant tl punt 3,
b) ne dá nia jö la domanda anter le termo fissé
c) n' á nia sotecrit indortöra la domanda
d) ne mët nia apost la domanda anter le termo dé dant dal'aministraziun,
e) ne respetëia nia les disposiziuns sciöche da D.P.R. nr. 752/1976 art. 20 y mudaziuns.
La detlaraziun de portignënza o agregaziun a un di trëi grups linguistics preodüda dal art. 18 dl decret dl Presidënt dla Republica di 26.07.1976, nr. 752 y mudaziun y integraziuns, pó ince gní dada jö do le termo por la presentaziun dla domanda de amisciun al concurs, sce la detlaraziun de portignënza o agregaziun a un di trëi grups linguistics é <u>varënta</u> dan la tomanza dl termo revardënt.
6. PROA D'EJAM Y MODALITÉS DE ESECUZIUN DLES PROES
I/les candidat/tes ametüs/des al concurs mäss dé jö na proa scritta y na proa orala .
<u>Proa scritta:</u>
<ul style="list-style-type: none"> • mansciuns y competënzes spezifiches en relaziun al post scrit fora, ince tla forma de n chestionar; • organigram y descriziun dles mansciuns;

- dèrc y dovèis dl dependènt publich;
- ordinamènc generai dla Ciasa de Palsa Ö. Frëinademetz;
- desposiziuns generales sura le raport de laur pro ènc publics.

Proa orala:

- tematches che reverda le program dla proa scritta.

Les dates dles proes d'ejam ti vègn comunicades a vigni candidat/a ametù/da al concurs almanco 15 dis denant che ares mèt man.

Le resultat negativ de òna dles proes comporta la nia idoneité al concurs y á sciöche consequènza l'esclujun dal concurs.

Ala proa orala vègn ma ametüs/des i/les candidat/tes che á superé la proa scritta.

I/Les candidat/tes che ne se presentèia nia ales proes le de stabilí, vègn stlúc/stlütës fora dala prozedöra. Chi/Chères che röia cun intardiamènt pó ciamó gní lasciá/lasciades ite ti locai olache al vègn tigní le concurs cina al momènt dan la daurida dla busta cun le tema trat fora.

Tratan la proa scritta pól ma gní adoré dizionars, tesç de lege zènza anotaziuns o analogs sce la comisciun dá esplizitamènter le consèns.

La proa scritta y la proa orala mæss gní fates tl lingaz a chèl che i/les aspiranc/tes á detlaré da ester de portignènza o de agregaziun (lingaz talian o todèsch). Chèsta regola ne vel nia por i/les aspiranc/tes che fej pert dl grup linguistich ladin, por chisc/chèstes resta inant la poscibilité da dé jö les proes d'ejam o tl lingaz talian o todèsch (D.Lgs 15 de ma 2023, nr. 65).

L'aministrazion ne é nia obliada da ti dé ai/ales candidat/tes documentaziun por i ejams.

Ales proes mæss i/les candidat/tes se presenté cun n documènt de reconoscimènt varènt.

7. GRADATÖRA Y ASSUNZIUN

La comisciun mèt jö, aladò dles valutaziuns singoles totales y tolon en conscideraziun les desposiziuns dades dant dal art.5 dl Test Unich aprové cun D.P.R. 487/1994 tl caje de parité de punc, la gradatöra finala di/dles concorènc/tes che á ciafé na votaziun nia mëndra de chèra minima metüda dant dala comisciun por arjunj l'idoneité tles proes.

Dedò aprovèia le Diretur la gradatöra y nominèia, aladò dl numer di posç scric fora indöt tl concurs, sciöche davagnadus/dèsses i/les candidat/tes che resultèia tla medema gradatöra, tolon en conscideraziun les reserves stabilides/metüdes dant da chèsta bandida.

La gradatöra á na varènza de dui agn dala data de aprovaziun.

Le/La davagnadú/dèssa mæss presenté anter 30 dis dala comunicaziun dl Diretur n zertificat dl dotur de idoneité fisica al laur preodü, zènza toma la nominaziun. Anter le medemo termo mæss le/la davagnadú/dèssa detlaré sot a süa responsabilité de ne avèi degügn d'atri raporc de laur tl setur publich o privat y de ne ester te degöna dles situaziuns de incompatibilité preodüdes dal regolamènt dl personal varènt. Tl caje contrar mæss le/la davagnadú/dèssa dé jö na detlaraziun de dezijiun por l'aministrazion nöia.

7.1 AZERTAMÈNT DI RECUISIC

Dan la stipulaziun dl contrat de laur individual por l'assunziun dl/dla davagnadú/dèssa dl concurs verifichèia l'aministrazion la presènza di requisic detlará tla domanda de amisciun al concurs o damaná espressivamènter da desposiziuns de lege, da regolamènc o da contrac coletifs.

Sce le/la davagnadú/dèssa ne dá nia jö un o deplü documènc damaná zènza iustificaziun anter le termin, ti comunichèia l'aministrazion de ne podèi nia stlùj jö le contrat de laur individual. Pro n'assunziun en proa se röia le raport de laur atira.

Le medemo fejun sce pro le control di requisic scric dant vègnel constaté l'assènza de un o deplü requisic.

Le Diretur dla Ciasa de Palsa, tól sö en proa i/les davagnadus/dèsses ametüs/des te gradatöra aldò di po-

<p>sc' scriv fora tl concurs do avèi verificché la presènza di recuisic damaná por l'amisciun al sorvisc.</p>
<p>Le Diretùr dla Ciasa de Palsa ti mèna al/a interessé/interessada tres lëtra racomanada cun garanzia de recioiüda l'invit da sotescri le contrat de laur individual anter n termo de alplü 30 dis dala data de recioiüda dl invit; le termo pó te vigni caje gní proroghé por le tēmp preodü da contrat por les demisciuns dal post de laur atual y al mascim por 3 mèisc.</p>
<p>Dan le scomenciamēt dl sorvisc mēss le/la candidat/a nominé/ada mostré sō de avèi i recuisic damaná dala bandida, tut fora chi recuisic che vëgn desmostrá d'ofize dal'aministrazion, zēnza toma le dērt de nominaziun.</p>
<p>Le posses di recuisic generai ne pó nia ester dé ma cun la data de tomanza dla bandida de concurs, mo ince al momēt dla sotescriziun dl contrat de laur.</p>
<p>7.2 APLICAZIUN DLA GRADATÖRA</p>
<p>La progresciun tla gradatöra en caje de atres assunziuns vëgn fata esclusivamēnter aladō dl ordin tla medema gradatöra y tl respet di posc' rēsservá por grups linguistics, conscidran i militars dles trēi Forzes armades anfat ai/les candidat/tes esterns.</p>
<p>La gradatöra por l'assegnaziun di posc' scriv fora vëgn ince tuta ca por l'assegnaziun de posc' a tēmp parzial sce al n'è de lēdi tl profil profescional revardēt y tl limit dl contingēt a tēmp plēgn. La gradatöra pó ince gní adorada por assunziuns a tēmp determiné y por sostituziuns.</p>
<p>7.3 CONTRAT INDIVIDUAL DE LAUR Y PERIODA DE PROA</p>
<p>Le contrat individual dá dant le termo anter chël che al é da tó sō efetivamēnter le sorvisc.</p>
<p>Le/La davagnadú/dēssa vëgn nominé/nominada en proa por la perioda de 6 mèisc. Tratan le tēmp de proa pó les perts se trá zoruch dal contrat zēnza oblianza de preavis o indenité. Sce l'aministrazion se tira zoruch mēssera dé dant avisa la motivaziun. La nominaziun á efet de vigni vers dal de scomenciamēt dl sorvisc da pert dl/a davagnadú/dēssa.</p>
<p>Le/La davagnadú/dēssa che ne sotescri nia le contrat de laur anter le termin dé dant o ne tól nia sō le sorvisc anter le termo preodü zēnza na motivaziun iustificada vëgn detlaré/ada d'ofizie sciöche renunziatar/a y chësc determinēia la tomanza dl post de laur. Te vigni caje pól gní tut en conscideraziun domandes de prorogaziun dl/a interessé/interessada a gauja de forza plü alta desmostrada o de evēnc straordinars che vëgn ejaminá cun discreziun dal Diretùr che dá dant n termo definitiv, sce les esigēnzes de sorvisc le pormēt, y passé chësc tēmp, mēt jō na detlaraziun de renunzia.</p>
<p>8. TRATAMĒNT DI DAC PERSONAI</p>
<p>Aladō dl regolamēt UE 2016/679 di 27.04.2016 é la Ciasa de Palsa delibrada da damané ai/ales interessá/interessades le consēns por le tratamēt di dac, ince di dac sensibli dl/dla interessé/interessada.</p>
<p>9. NORMES FINALES</p>
<p>Prolungiamēt/prorogaziun o redaurida di termi: Por motifs de interes public se rēsservēia l'aministrazion la faculté de prolungé le termo de tomanza de chësc concurs o ince de le revoché o de daurí danü i termi de tomanza do l'avèi stlüt, dagnora che les operaziuns por so espletamēt ne ais nia ciamó metü man.</p>
<p>Por dōt ci che n'è nia preodü esplizitamēnter te chēsta bandida, vëgnel fat referimēt ales desposiziuns de lege y ai regolamēnc varēnc.</p>
<p>La domanda de amisciun é da ciáfé söla plata internet www.ciasadepalsa.it y pó gní stampada fora.</p>
<p>D'atri stlarimēnc y informaziuns pó i/les interessá/interessades damané te secretariat dla Ciasa de Palsa Ojöp Frëinademetz (Str. Pinis 50, 39030 San Martin de Tor, tel. 0474 524700, e-mail: info@ciasadepal-</p>

San Martin de Tor, ai 19.03.2025

LE DIRETUR
F.mé: Valentin Erlacher

sotescrit digitalmènter